

倪俊明◎主編

廣東省立中山圖書館藏
稀見方志叢刊



國家圖書館出版社

廣東省立中山圖書館藏
稀見方志叢刊

倪俊明◎主編

國家圖書館出版社

17

第十七冊目錄

〔民國〕廣東通志未成稿不分卷(十二) 鄒魯修 溫廷敬等纂 民國二十四年(1935)修, 廣東通志館稿本

大事紀(十一 咸豐年)		一
大事紀(十二 同治年)		八五
大事紀(十三 光緒年 宣統年)		一二五
廣東新通志藝文略(集部 潮州 一二)		二〇九
廣東新通志藝文略(集部 潮州 三)		二六九
廣東新通志藝文略(集部 潮州 四五)		三一九
廣東新通志藝文略(集部 潮州 六)		三八五
金石略		四三九


サニセツ版

鍾慧霞
民二十三年七月

大事記
其十一

昭和二十三年

健康



咸豐元年辛亥恩賞老人及大赦（高明縣志）

詔免逋賦（同上）

是年大有年（海陽縣志）

是年蛙復門（惠州府志）

正月諭將道光三十年以前民欠正耗

錢糧查明豁免並著先將此旨刊刻

謄黃徧行曉諭用示朕元春布德仰

副皇考三十年子惠元元申錫與疆

至意（東華續錄）

東莞學宮尊經閣毀於火（鄧志稿）

二月東莞諸生黎子驊被差誣稟欠糧
攝縣卽才穎拘交號房管押子驊氣
憤自刎死（鄧志稿）

才穎官粵以貪酷聞攝任後遇事詐
啞邑人側目子驊死邑學聯名赴省
訴其冤時縣試有期生童齊集突有
標貼長紅嚴考者由是匿名揭帖紛
起並臚列才穎贓款才穎懼以邑人
嚴考通稟大憲且求卹事會南海西
湖書院生童因知府將書院經費改

斷歸義倉亦投書罷考大憲怒委華
廷傑接署色事囑令嚴辦區名者不
可得以色學聯名呈內有何仲山名
遂以主謀歸獄於其叔舉人何鯤及
其弟舉人何仁山詳請將聯名呈內
前二十人一併詳革拘辦實則長紅
揭帖皆曾受才穎詐啞者之所為罷
考亦非實事也（鄧志稿卷采訪冊）

三月總督徐廣縉巡撫葉名琛學政許
乃釗奏稱南海西湖書院生徒因狹

知府改斷公項之數嫌不遂其欲殺

遞唐名罷考（東華續錄）

刊章既下諸生翟麟標教讀糊口突
被差拘於是人人自危凡身列膠庠
者皆竄匿不敢入城何鯤何仁山亦
避居河田鄉諸生劉大觀年逾七十
遂請自首以紓一邑之難未幾鯤病
卒（鄞志稿參未訪冊）

五月諭軍機大臣等前據徐廣縉等奏
南海東莞兩縣因公項命案之嫌聲

言罷考請分別停其考試已降旨飭
令暫為停考查明懲辦其被累之同
學察實奏明仍即許其考試該督等
諒已確查辦理現尚未據續奏朕心
殊深懸念此事一由書院公費之改
移一由生員抗糧而自盡固緣一二
人懷嫌讎動亦安知非有激而然其
間附和想亦無多南海一書院中前
東莞一邑生徒皆為所累若不分晰
是非明白勸懲致使良莠同科轉非

所以策勵士習至義倉經費始而斷
入書院既而斷還義倉何以前後兩
岐東莞抗糧一案生員黎子驛何以
在縣署自戕有與屈抑以致衆心不
平士風刁玩固宜重懲吏治乖方亦
應嚴儆著徐廣縉葉名琛體察羣情
務期平允玩法者不可無所警戒被
累者亦不可過事苛求即將現在辦
理情形據實具奏以慰屢念

(東華續錄)

自是瞿麟標劉大觀均准省釋

(鄧志稿)

七月諭徐廣縉等奏稱倡議罷考之人
多係刁徒藉端生事其安分生監不
在其列等語現在鄉闈伊邇多士有
志觀光未便因一二刁健之徒致阻
良善進身之路著照所請所有西湖
書院及東莞一縣生監等俱著准其
一體鄉試其倡議罷考之人仍著嚴
拏究辦以示勸懲

(東華續錄)

修廣東巡洋師船總督徐廣縉請

也(同上)

是月上以會匪煽惑愚氓親書宣宗
成皇帝敬聞聖諭廣訓黜異端以崇
正學一條四言韻文命武英殿勒石
揭印頒行各學教官欽遵宣布以化
額蒙(東華續錄)

咸豐二年奏准補行東莞科試(鄧志稿)

是年潮守吳均奉檄來惠治盜(惠山縣志)

是年壬子因多賊數百餘鄉附城聯

昇平堡(高明縣志)

六月颶風八月彗星見西北經月乃滅

(海陽縣志)

咸豐三年船塘遊匪竄擾龍川知縣札倫

布禦敵死之

(惠州府志)

三月設團練局

(同上)

行保甲匪徒斂迹

(同上)

六月大水

(東莞縣志)(高明縣志)(海陽縣志)(惠州府志)(採訪冊)

八月十五日東莞縣賊萬雞仔任攻擾

虎門寨城官軍擊退之

(戴村志)

九月東莞司馬鄉土匪滋事歸善知縣

海廷琛奉委往剿受重傷歸

(惠州府志)

是月東莞賊尹殿振伏誅（戴附志）

冬大雪（高明縣志）

十一月賑廣東東莞歸善博羅等縣被

水災民並給房屋修費有差（東華續錄）

築歸善城南礮臺（惠州志）

咸豐四年正月東平一坊火災毀鋪戶數

百間（惠州志）

三月雨赤泥大水潘劉隄潰登雲登隆

諸鄉被水將及二百餘鄉民多流離

失業（潮來備采錄參訪冊）

四月有虎夜攫郡小西門(惠州府志)

是月十三日晦有星隕於西南(宋詩補)

潮陽陳娘康鄭游春作亂知府吳均

帥兵剿之(道府案冊)

五月紅巾賊起(戴村志)按紅巾賊即三合

會匪以頭裹紅巾故名

是月二十日歸善會匪許李先羅阿

添等聚眾倡亂遂劫梁化墟(惠州府志)

是月二十二日賊何六陷東莞縣(戴村志)

按何六順德人髮逆洪秀全黨也

是月彩塘鄉吳忠恕作亂（采訪冊）

六月陳開暨倡亂於佛山首裹紅巾

為識而省城之北李元茂陳顯良號

豆皮大

等聚眾應之

（采訪冊）
（番禺縣志）

是月初一日巡捕黃者華剿東莞賊

何六於新塘十字濠與戰破之（縣志）

賊收東江船艇為攻省垣計莞渡斷

絕副貢陳銘珪之弟光永步行至廣

州銘珪聞之具呈告變並謁粵秀山

長蘇廷魁使速大吏派兵往剿總督